

Karjalan kielen kodi – yhtimyksen ruadokerdomus

2021

Karjalan kielen kodi – yhtimyksen halličus (Nina Barmina, Lúbov Popova, Ivan Jegorov, Ol'ga Vasiljeva, Anna Zaharova, Antonova Natalja, Olga Gokkoeva) kerävyi vuvvennu 2021 7 kerdua.

Kielipezä

Tänä vuon kielipezäs on 11 lastu. 4 lastu on kaksivuodistu, 4 lastu on kolmevuodistu, 1 on nellivuodine da 2 lastu on kuuzivuodistu, hyö tänä vuon lähtietäh školah. Sendäh nygöi meile on kolme lapsienkaččojua. Lapset ruadajes juammo kolmeh joukkoh. Joga joukol on omat ruavot, no niidy toiči opimmo ruadua yhtes, gu vahnembat autettas pienil, a pienembät vahnembien peräh azutah ruaduo parembi.

Suurembien lapsien kel meile on joukko "Kirjah". Myö joga päiviä enne muata vierendiä opastummo kirjuttamah, pagizemmo, luvemmo, piirämmö. Lapsih niškoi on kirjutettu opastusprogrammu kuduas myö pyzymmö. Sie on melle matematikku, paginkieli, muuziikku, kuvankriepindy, muavailus, mualandu, voimistelu.

Tänä vuon meile suurendettih pertit. Azuttih uksi kahten pertin keskeh. Nygöi yhtes pertias myö kizuammo da maguammo, toizes syömmö da opastummo. Vieljarven lapsienpäivykodei andoi meile kaksi muattavua kamodua. Pienet lapset muatah kravattilois, vahnembat lattiel. Suomalaine abuniekkunaine ombeli poštelisovat. Moskovon abuniekkumies Maksim Poloskov lahjai kaksi lampua, kuduat puhtastetah ilmaa pertis.

Jälgimäizet kaksi vuottu pandemientäh emmo voinnuh kučču pruaznikoil vahnembii. Sygyzyl Muamanpäivälle kučuummo goštih muamoi. Yhtes pastoimmo piirualoi, lapset pajatettih da tansittih, kizaimmo da joimmo čuajuu hiilavan piiruan kel. Daigi Uvven Vuvven vastaimmo vesseläh. Käi Pakkasukko Lumitytön kel, toi lahjat lapsille.

Kielipezän palku on 3500 rub kuus. Nygöi vahnembat voijah maksua den'gat bankan kautti. Kaiken ruavon maksamizien kel vedäy Vasil'jevan Kat'a. Suuret passibot hänel abulois. Tahtozimmo sanuo suuret passibot kaikille ken auttau olla elos mejjan kielipezäl: vahnembil, sponsoroil, dovarišoil da abuniekoiil.

Kieliruado vuonnu 2021

Vuvvennu 2021 Karjalan kielen Kodi ruadoi rajallizesti koronan täh. Oli vähembi kävyjiä, suuri pidoloi oli pietty vähän.

Yksikai kielen kursoi on pietty vuvven aloh. Ruattih karjalan kielen kursat ruadajih niškoi, kyläläizih niškoi, ildupäivykerhon lapsih niškoi. Pandemii toi omua hyviä puoldu mejjän ruadoh. Rubeimmo pidämäh kursoi loittuapäi ZOOM: an kauti. Myö libuimmo yhteisruadoh lloimantsin kansalaisopisonke. Jo ennegi KKK pidi kielikursoi ihan paikan piäl, a mennyt vuon kursoi piimmö loittuopäi, talvel kolme kuudu dai sygyzyl kolme kuudu. Oli 3 joukkuo opastujuo, kaikkiedah läs 30 hengie, heidy oli juattu kolmeh ryhmäh kielimaltoloin mugah. Opastus nygöigi jatkuu. Sežo myö olemmo kiingies yhteisruavos Priäžän etnokul'tuurukeskuskenke "Elämä". KKK pidi mennyt vuon kursoi Vieljärvel da Nuožarvel heijän projektoloin mugah. Ku ottua opastujien yhtehine miäry mennyt vuvves, se rodieu läs 50 hengie. Erikseh ruammo lapsienke ildupäivykerhos. Joga nedälii 2 kerdua piemmö ildupuolel karjalan kielen kursoi, nämih kursoih yhtyy sežo Suomen Jovensuus eläi brihačču livo Kähäri, kudai kois muamah kel pagizou karjalakse da ližakse vie tulou kursiloil.

Vuvves 2021 KKK yhtyi yhtehizeh projektah Suomen opastajien kel "Maltomerkolöin luajindu karjalan kielen opastujih niškoi". Tämä projektu andau mahton opastujil kačču, mittumat kielin`erot heile ollah, midä vie

Karjalan kielen kodi – yhtistys
Карельская региональная общественная организация
«Дом карельского языка»
18614, Республика Карелия, Пряжинский район, с. Ведлозеро, ул. Советская, 8

pidäs kehittä. Nämmii maltomerkilöi vojiah käyttiä sežo Karjalas, yliopistos, školis opastujat dai kursoil käyjät.

Jo mainičin, gu ylen suurii pidoloi oli äijä vähembi, kävyi "Oma pajo"-hora konsertanke, "Meijän pajo"-joukko Priäžäspäi. Oma teatrujoukko "Randaine"vuvvennu 2021 Muamankielenpäivänny pidi uvven ozutelman "Santa-Barbara"enzi-illan. Tämä oli jo kymmenes ozuttelu karjalan kielel. Keviäl, sulakuus, teatrujoukko ajeli Sortavalah tämän ozutelman kel, kezäkuus olimmo Kolatselläl. Lapsien tyttiteatrujoukko "Tähkäine" vähembän harjaitteli, ga yksikai hyö yhtyttih eri kilboih, da Karjalaine suarnu-kilvas hyö suadih enzimäizen sijan omas nominatsies.

Yläkerroksel varustimmo magavopertit da keitändypertin, kezän da sygyzyn aigah otimmo vastah turisto da käyjii. Tädä ruaduo vie pidäy kehittä.

Käziruadokerholaizet sežo harvembah kerävyttih, enämbäl käziruadoloi ruattih kois, myöndäs hyö suadih läs 8000 KKK:n hyväkse.

Vieljärven KKK:n joukko voitti piirikilvas Midä? Kus? Konzu? Eri kylien joukot tuldih Priäžän etnokul`tuurizeh keskikseh kilbailemah. Vieljärveläizet oldih parahat kielenmaltajat.

Karjalaine fitnessu: Naizien tervehys- kerho

Vuvven 2021 aigah ruadoi kolme kerdua nedälis (ezmäinargi, kolmaspäivy da piätenčy).

Vedäi: Karjalan Kielen Koin ruadai Natalja Antonova. Kävyi nenga 6-7 hengie. Ei ruadanuh vai korona-viirusan livunduajjal. Naizet ollah ylen hyväs mieles da kävväh rakkahal.

19.kylmykuudu oli vieljärveläzen iänelitkettäjän Paraskovja Ivanovan suuri mustelendupäivy (55 vuotta kuoltuu). Piimmö karjalazien perindölöin mugah: kagrukiiselinke da iänelitkunke. Rahvastu oli enämbi 50 hengie.

Vuozi 2021 oli Karjalazien runoloin vuozi. Piimmö Karjalazien eepizet pajot- taido-ozuttelu KKK:s yhtehizes ruavos Karjalan taidoiljoiin liiton kel. Antonovan Natoi da Kirill Ognev azuttih 25-minuuttua kestäi karjalankieline videoekskursii (on avvoi internetas). Piästimmö ilmah Runopajoloin muailmu - brošuuran (värikäs kniigaine).

Karjalaine rokotus- projektu Priäžän etnokul`tuurizen keskuksenke:

Kezäkuu: nedälin päivät kestäi kielikyly (kielipežän da školalapset yhtes). Petroskoin yliopiston kuuzi studentua oldih silaigua pedpraktiekal. Lapset da nuoret yhtes – hyvä olla yhtes. Opimmo suaha tänä kezängi.

Karjalankielisty paginua da toimindua kehittäi seminuaru Priäžän piirin rahvahanke ligakuul. Enämbi 20 hengie yhtyi. Äijil kel karjalan kielen malto libui yhtesgi päiväs.

Yhtehine ruado Karjalan TV:n kel: Äijy TV:n programmua on luajittu KKK:s da sen rahvahan väil da nerol!

Vuvven kaikis Vieljärven ikkunat – lehten noumerois: 1, 2 da 3 on karjalan kiieldy ven`an kielen rinnal: runot, rahvahan sanelemizet, karjalan rahvahan kalenduaru, syömizien receptat, hyvittelyt da m.i.

Piimmö opastunduseminuaroi da luvendoloi KKK:n da kielipežän ruandah nähte zoomas da yhtyimmö sinne kunne vai kučuttih. Opastuimmo äijän iče. Levitimmo tieduo omas ruavos kugali vai voimmo.

Karjalan kielen kodi – yhtistys
Карельская региональная общественная организация
«Дом карельского языка»
18614, Республика Карелия, Пряжинский район, с. Ведлозеро, ул. Советская, 8

КАССОВЫЙ ОТЧЕТ по КРОО "Дом карельского языка"

119 691,63 ₺

ПРИХОД	
Назначение платежа	Сумма
Пожертвование	1 187 185,69 ₺
Плата за детей	10 366,00 ₺
Платные услуги	29 850,00 ₺
ИТОГО приход 2021 г.	1 227 401,69 ₺

РАСХОД	
Назначение платежа	Сумма
Оплата за продукты ИП Железкина	80 000,00 ₺
Оплата буклетов ИП Марков	60 740,00 ₺
Оплата за изгот.сертификата	2 000,00 ₺
Оплата за аренду зем.участка	1 178,39 ₺
Оплата за обуч. по охр.тр.и пож.без.	2 300,00 ₺
Оплата за эл/энергию	30 000,00 ₺
Оплата услуг банка	3 356,75 ₺
Уплата НДФЛ	94 802,00 ₺
Уплата страх.взносов с зар.платы	213 937,46 ₺
Выплата зар.платы/ по дог.ГПХ	634 445,77 ₺
ИТОГО расход 2021 г.	1 122 760,37 ₺

Остаток на р/счете на 31.12.2021 **224 332,95 ₺**

Vuosi 2022

Panemmo kai väit ku voizimmo pidie Kodi, kielipezä, ildupäivykerho da kerhot pystyi